

# **ODRŽAN RADNI SASTANAK O NASTAVKU PROVOĐENJA KOMASACIJE ZEMLJIŠTA S PREDSTAVNICIMA OPĆINA ODŽAK I ORAŠJE**

09.06.2015 15:03



Predstavnici Federalne uprave za geodetske i imovinskopravne poslove su posjetili općine Odžak i Orašje, gdje su se sastali s načelnicima tih općina, rukovodicem Službe za prostorno uređenje i katastar nekretnina i šefom Odjela za katastar Općine Odžak, rukovodiocem Službe za stručne i zajedničke poslove Općine Orašje i rukovodiocem Službe prostornog uređenja i imovinskopravnih poslova Orašja, predsjednicom Komisije za komasaciju Općine Orašje, stručnim i odgovornim licima iz sektora za katastar zemljišta te predstavnikom firme Trafficon d.o.o.Odžak.

Na sastancima je predstavljeno stanje završenih radova komasacije u općini Odžak (k.o.Vojškova, k.o. Trnjak - Zorice i k.o. Donja Dubica) i općini Orašje (k.o. Vidovice i k.o.Kopanice), te je izvršena analiza postignutih rezultata i usaglašen prijedlog za nastavak započetih projekta.

Dogovoreno je:

- da se ubrzaju procedure rješavanja preostalih žalbi u obje općine;
- da se što prije krene u tendersku proceduru za nastavak komasacije općine Odžak;
- način otklanjanja nedostataka na koje se naišlo pri izradi završnog elaborata u općini Orašje;
- da se održi sastanak predstavnika FGU, Komisije za komasaciju i predstavnika gruntovnice za obje općine.

Načelnik općine Odžak je istaknuo da realizacija započetog projekta u općini Odžak zavisi od ograničenih finansijskih sredstava, ali da će zatražiti podršku svih zainteresiranih institucija kojima bi završetak ovog projekta bio od značaja.